



Broj: 05-JN1-16-4-TB-60-13/22
Sarajevo, 23.11.2022. godine

Na osnovu člana 64. stav (1) tačka b) i člana 70. st. (1), (3), i (6) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktor Direkcije za evropske integracije d o n o s i:

O D L U K U

o izboru najpovoljnijeg ponuđača

Član 1.

(1) Na osnovu provedenog postupka nabavke putem konkurentskog zahtjeva za nabavku računara 9 (devet) komada kao najpovoljniji ponuđač izabran je ponuđač „REBUS“ d.o.o. Sarajevo po ukupnoj cijeni ponude od 14.265,00 KM bez PDV - a, sa kojim će se zaključiti Ugovor za predmetnu nabavku.

(2) Ponuđač Rebus d.o.o. Sarajevo u svojoj ponudi ponudio je 9 (devet) računara modela Lenovo ThinkCentar 30a 24 AIO koji svojim tehničkim karakteristikama u potpunosti odgovoraju tehničkoj specifikaciji iz Obrasca za cijenu ponude.

Član 2.

(1) Ova Odluka će se objaviti na internet stranici Direkcije za evropske integracije te istovremeno uputiti ponuđaču „REBUS“ d.o.o. Sarajevo u skladu sa članom 70. stav (6) Zakona o javnim nabavkama Bosne i Hercegovine.

(2) Odluka stupa na snagu danom donošenja.

O b r a z l o ž e n j e

Odlukom broj: 05-JN1-16-4-TB-60/22 od dana 24.10.2022 godine pokrenut je konkurentski zahtjev za nabavku računara 9 (devet) komada, za potrebe Direkcije za evropske integracije.

U skladu sa članom 35. stav 1. i 36. stav 1. Zakona o javnim nabavkama („Službeni glasnik BiH“, broj 39/14 i 59/22) (u daljem tekstu: Zakon), Ugovorni organ objavio je obavještenje o pokretanju konkurentskog zahtjeva za nabavku računara 9 (devet) komada broj obavještenja: 231-7-1-108-3-12/22. godine.

Komisija za javne nabavke (u daljem tekstu: Komisija) je konstatovala da je do krajnjeg roka za dostavu ponuda, na Protokol Direkcije za evropske integracije, prispjela samo ponuda ponuđača „REBUS“ d.o.o. Sarajevo.

U skladu sa članom 5. i članom 8. Pravilnika o uspostavljanju i radu Komisije za nabavke („Službeni glasnik BiH“, broj 103/14), Komisija je izvršila ocjenu i odabir najpovoljnije ponude za nabavku računara 9 (devet) komada, te sačinila Zapisnik sa detaljnim obrazloženjem odabira.

Na osnovu kriterija „najniža cijena“, Komisija je dala preporuku direktoru Direkcije za evropske integracije da donese Odluku o izboru najpovoljnijeg ponuđača i dodjeli Ugovor za nabavku računara 9 (devet) komada ponuđaču „REBUS“ d.o.o. Sarajevo po ukupnoj cijeni ponude u iznosu od 14.265,00 KM bez PDV - a.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku.

Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, Ugovor za nabavku računara 9 (devet) komada dodjeljuje se ponuđaču „REBUS“ d.o.o. Sarajevo po ukupnoj cijeni ponude u iznosu od 14.265,00 KM bez PDV - a.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke se može izjaviti žalba Ugovornom organu, najkasnije u roku od 5 (pet) dana od dana prijema ove odluke.



Dostaviti:

1. Ponuđaču „Rebus“ d.o.o. Sarajevo
2. a/a